



SÁMI DÁIDDÁRIID JA GIRJEČÁLLIID BUHTADUSFOANDDA (SDGB) HÁLDDAŠAN NJUOLGGADUSAT

1. Foandda ruđaid hálddašeapmi

- 1.1 Foandda ruđat galget biddjot dohkálaš sadjái ja galgá leat buorre sihkarvuohta ja reantu. Galgá váldot vuhtii ahte ruđat galget leat geavahanláhkai jagi doibmii ja jus muhtin jagiid ii leat nu buorre ruhtadilli.
- 1.2 Jus muhtin oassi foandda ruđain biddjo eret guhkit áigái, sihkkarvuohtan ja mañit jagiid geavaheapmái, de galget ruđat biddjot dakkár sadjái gos lea erenoamaš alla reantu ja ruhtafitnodat dahje bánku galgá dáhkidit dan ovddas.

2. Foandda ruđaid geavaheapmi

- 2.1 Foandda stivra bidjá ruđaid sierra čuovvovaš golmma oassái, ja mearrida juohke jagi man stuorra oassi ruđas galgá geavahuvvot čuovvovaččat:
 - a) Doarjjan SGS ja SDS doaimmaide
 - á) Stipeanddaide
 - b) Hálddáhusgoluide
- 2.2 **Doaibma**
SGS ja SDS doaibmadoarjja mearriduvvo foanddastivrras SDGB bušeahta vuodul ja SGS ja SDS bušeahtaid vuodul. Foandastivra sáhttá ohcama mielde doaibmajagis addit lassiruhtajuolludeami SGSii ja SDSii, jus erenoamaš ákkat dagahit dan.
- 2.3 **Stipeanddat**
Foandastivra bidjá jahkásaččat sierra ovttá oasi ruđain stipeanddaide maid foandastivra hálddaša ja juogada, SGS ja SDS stipeandalávdegottiid evttohusaid mielde. Sáhttá juolluduvvot bargostipeanda, prošeaktastipeanda, álggahanstipeanda, mátkestipeanda, ávnnasstipeanda, čájáhusstipeanda ja stipeanda vuorrasat dáiddáriidda geat leat badjel 67 jagi. Stipeanddaid sturrodat berre veardiduvvot foanddastivrras juohke jagi. Stipeanddaid sáhttet ohcat SGS ja SDS miellahtut ja earát geat devdet SGS ja SDS miellahttovuoda gáibádusaid.
- 2.4 **Hálddáhusgolut**
Stivrii máksojuvvo honorara dušše stáhta lávdegoddebuhtadusa máksomearit. Rehketdoalu doaimmaha almmolaš rehketdoallofitnodat.

Dohkkehuvvon SDS ja SGS jahkečoahkkimiin 2004.
Dohkkehuvvon SDS jahkečoahkimiin 2019.
Dohkkehuvvon SDS ja SGS jahkečoahkkimiin 2025.